



Broj: JN1 11-03-26-133-17/25
Sarajevo, 08.10.2025. godine

Na osnovu člana 64. stav (1), tačka b) i člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) i preporuke komisije za javnu nabavku broj: JN1 11-03-26-133-16/25 od 18.09.2025. godine u postupku javne nabavke roba klase II – Vojno-policijska oprema za LOT 2, Ministar odbrane *donosi*:

ODLUKU
o izboru najpovoljnijeg ponuđača za LOT 2

I

Prihvata se preporuka komisije o izboru najpovoljnijeg ponuđača za nabavku roba klase II – Vojno-policijska oprema za LOT 2 (JRJN: 35000000-4 Sigurnosna, vatrogasna, policijska i odbrambena oprema) i dodjeljuje ugovor ponuđaču „DANIAL S“ d.o.o., Trg žrtava 3. augusta br. 1, 74260 Tešanj, za ponuđenu cijenu od 47.839,80 KM bez PDV-a kao najbolje ocjenjenom u provedenom otvorenom postupku uz korištenje e-aukcije.

II

Izabrani ponuđač dužan je dostaviti original ili ovjerene kopije dokumenata iz člana 45. i člana 47. Zakona o javnim nabavkama BiH u roku od pet (5) dana od dana prijema ove odluke. Dokumenti moraju biti dostavljeni do navedenog roka bez obzira na način dostavljanja i za ugovorni organ nije relevantno na koji su način dostavljeni. Dokumenti ne smiju biti stariji od tri (3) mjeseca računajući od trenutka dostavljanja ponude.

III

Ponuđač je dužan dostaviti безусловnu bankarsku garanciju za dobro izvršenje ugovora u roku od 5 (pet) radnih dana od potpisa ugovora. Ukoliko izabrani ponuđač ne dostavi garanciju u predviđenom roku, ugovor će se smatrati apsolutno ništavnim.

IV

Prijedlog ugovora o nabavci Sektor za nabavku i logistiku/Odsjek za ugovaranje, nabavku i prodaju dostavit će se na potpis izabranom ponuđaču (tačka I ove odluke) po isteku roka od 15 dana, računajući od dana kada su svi ponuđači obavješteni o izboru najpovoljnije ponude.

V

Za realizaciju ove odluke i ugovora zadužuje se Sektor za nabavku i logistiku sa unutrašnjom organizacionom cjelinom koja je pokretač referata nabavke u saradnji sa Zajedničkim štabom OS BiH.

VI

Ova odluka objavit će se na web stranici Ministarstva odbrane Bosne i Hercegovine (<http://www.mod.gov.ba>).

VII

Odluka stupa na snagu danom donošenja i ista će se dostaviti svim ponuđačima u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: JN1 11-03-26-133-4/25 od 04.07.2025. godine.

Obavještenje o nabavci broj: 723-1-1-570-3-582/25 objavljeno je na Portalu javnih nabavki dana 18.08.2025. godine a sažetak obavještenja o nabavci objavljan je u “Službenom glasniku BiH”, broj 50/25 od 22.08.2025. godine.

Javna nabavka je sprovedena putem otvorenog postupka uz korištenje e-aukcije. Procjenjena vrijednost nabavke je 143.741,45 KM bez PDV-a. Procjenjena vrijednost za LOT 2 iznosi 47.991,45 KM bez PDV-a.

Javno otvaranje ponuda izvršeno je u skladu sa članom 63. Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) (u daljem tekstu: ZJN BiH) dana 18.09.2024. godine što je konstatovano Zapisnikom sa otvaranja ponuda broj: JN1 11-03-26-133-14/25.

Dostavljanje zapisnika sa otvaranja ponuda izvršeno je prema svim učesnicima postupka nabavke putem maila u zakonskom roku.

U postupku javne nabavke roba klase II – Vojno-policajska oprema za LOT 2, utvrđeno je da je komisija za javnu nabavku pravovremeno i pravilno izvršila otvaranje i ocjenu ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da je od toga pravovremeno zaprimljeno 2 (dvije) ponude,
- da nije bilo nepravovremeno zaprimljenih ponuda,
- da je ponuda ponuđača „DANIAL S“ d.o.o. Tešanj prihvatljiva za ugovorni organ,
- da ponuda ponuđača „PLASTEX“ d.o.o. Gračanica nije prihvatljive za ugovorni organ.

Ponuđač „PLASTEX“ d.o.o. Gračanica u sastavu ponude propustio je ovjeriti Izjavu o ispunjenosti uslova iz člana 47 ZJN BiH („Službeni glasnik BiH“, broj 39/14, 59/22 i 50/24) kojim se dokazuje ekonomska i finansijska sposobnost, odnosno dostavio je **nepotpun dokaz** što predstavlja bitan aspekt ponude i ne može biti predmet daljnjeg vrednovanja.

U tački 7.3.2 tenderske dokumentacije piše:

„Ocjena ekonomskog i finansijskog stanja ponuđača će se izvršiti na osnovu dostavljene izjave ovjerene od strane ponuđača, koja se dostavlja u formi utvrđenoj Aneks-om 7 tenderske dokumentacije...“

Ponuda ponuđača „PLASTEX“ d.o.o. Gračanica neispunjava uslove tenderske dokumentacije u skladu sa članom 68. stav (1), ZJN BiH.

Kriterij za dodjelu ugovora “najniža cijena” sprovedena je u skladu sa članom 64. stav (1), tačka b) ZJN BiH.

Na osnovu člana 3 stav (3) Pravilnika o uslovima i načinu korištenja e-aukcije („Službeni glasnik BiH“, broj 80/23) a koji se odnosi na slučaj dostavljanja jedne prihvatljive ponude, e-aukcija se nezakazuje.

U postupku donošenja ove odluke, posebno su cjenjene činjenice da je komisija, pravilno i potpuno izvršila ocjenu kvalifikovanosti ponuđača u skladu sa kriterijima iz tenderske dokumentacije.

Rukovodilac ugovornog organa nije našao razloge, nepravilnosti, niti propuste u radu, koji bi eventualno bili osnova za neprihvatanje preporuke komisije za javne nabavke.

Naime, u postupku je ocijenjeno da je komisija pravilno postupala, te da je izbor najpovoljnijeg ponuđača izvršen na osnovu Zakona o javnim nabavkama BiH, Pravilnikom o uslovima i načinu

korištenja e-aukcije, podzakonskim aktima i tenderskom dokumentacijom za dostavljanje ponuda.

Uvidom u priloženu dokumentaciju, nesporno je da je izabrani ponuđač „DANIAL S“ d.o.o. Tešanj, najbolje ocijenjen na osnovu kriterija za dodjelu ugovora „najniža cijena“ za ponuđenu cijenu ponude u iznosu 47.839,80 KM bez PDV-a i dodjeli ugovor koji u pravnom, tehničkom i ekonomskom smislu ispunjavaju zahtjeve ugovornog organa.

Iz navedenih razloga, primjenom člana 64. stav (1) tačka b) i člana 70. stav (1), (3) i (6), odlučeno je kao u dispozitivu ove odluke.

Pouka o pravnom lijeku: Protiv ove odluke može se izjaviti žalba Kancelariji za razmatranje žalbi u roku od 10 dana od dana prijema odluke. Žalba se podnosi putem Ministarstva odbrane Bosne i Hercegovine.

MINISTAR

Zukan Helez

Dostaviti:

- „DANIAL S“ d.o.o. Tešanj, tel./fax: 032/654/087, e-mail: danials@danials.ba,
- „PLASTEX“ d.o.o. Gračanica, tel.: 035/704-890, fax: 035/704-790, e-mail: amira@plastex.ba,
- Kancelariji za odnose sa javnošću MO BiH (objava na Web stranici),
- a/a.